

**Malittarisassat**

**07. juni 2022**

## **§ 1. Taaguut angerlarsimaffillu.**

### **Imm. 1.**

Kattuffiup taaguutaa: Kalaallit Nunaanni Neriuffiit Kattuffiat.

### **Imm. 2.**

Kalaallit Nunaanni Neriuffiit Kattuffiata allaffia Nuummi angerlarsimaffeqarpoq.

### **Imm. 3.**

Kalaallit Nunaanni Neriuffiit Kattuffiata suleqatigaa Kræftens Bekæmpelse Danmark-imiit-toq.

## **§ 2. Siunertaq.**

### **Imm. 1.**

Kattuffiup siunertaraa nappaat kræfti akiorniassallugu.

### **Imm. 2.**

Suliassat iliuusissallu.

Neriuffiit Kattuffiata siunertamut makkua suliniutigisinnaavai:

- Kræftimik napparsimasut, nappaateqarsimasut ilaqutaasalu tapersersornissaat siunnersortarnissaallu.
- Qaammarsaanikkut suliniutitigut inuit kræftimik qaammaasaqalernerunissaannik paasitinniassallugit.
- Oqartussaasut sunnarniassallugit kræftimik pinaveersaartitsinerup katsorsaanerullu salliutinniarnissaanut.
- Ikiuisarnermi peqqinnissakkullu oqartussaasut suleqatigissallugit, napparsimasut tamarmik pitsaanerpaamik ataannartumillu katsorsarneqartarnissaat paarineqarnissaallu siunertaralugu.
- Neriuffiit Kattuffiata suliniutaanik paasititsiniaanerit.
- Aningaasannanniarluni suliniutit assigiinngitsut.

### **Imm. 3.**

Neriuffiit Kattuffiata siunertaraa aningaasat katersukkat sapinngisamik annerpaamik kræfteqartut ikiorsernissaanni suliniutinut atorneqarnissaat, taamaattumik allaffissornermi assigisaasigullu aningaasartuutit sapinngisamik killilersimaarniarneqassapput.

## **§ 3. Ilaasortaaneq.**

### **Imm. 1.**

Kattuffiup ilaasortarai Kalaallit Nunaanni immikkoortorta qarfiit Neriuffiit Illoqarfinni/Nunaqarfinnilu ilaasortaaniarlutik kissaateqarsimasut. Nunaqarfiit 500-t sinnerlugit innuttallit toqqaannartumik ilaasortanngorsinnaapput. Nunaqarfiit 500-t inorlugit innuttallit illoqarfimmi qanigisaminni ilaasortaasinnaapput.

Taamatullu suliffeqarfiit Neriuffimmut tapersersuisuusinnaapput.

### **Imm. 2.**

Kattuffiup siulersuisuisa ilaasortat allattorsimaffiat isumagisassaraa, immikkoortorta qarfiit aqqutigalugit.

#### **§ 4. Immikkoortorta qarfiit.**

##### Imm. 1.

Neriuffiit Kattuffiata ilaasortai immikkoortorta qarfinni ataatsimoorfeqarput. Illoqarfinni nunaqarfinnilu immikkoortorta qarfiliortoqarsinnaavoq. Illoqarfinni nunaqarfinnilu immikkoortorta qarfiit ataatsimoorussamik ataatsimiititaliorsinnaapput. (Fællesudvalg).

##### Imm. 2.

immikkoortorta qarfiup suliassaraa:

- Apeqqutit kræftimut tunngasut Neriuffiit Kattuffiata siunniutatut anguniagaasa naammassiniarnerini peqataaneq.
- Kræftip ilisimaneqarnerulernissaa siunertaralugu Neriuffiit Kattuffiata suliaata angusaasalu illoqarfinni/nunaqarfinnilu paasitsiniutigineqarnissaat
- Kræfteqartut ilaqutaasullu ikiorsiiffiginissaat tapersorsornissaallu siuttuuffigissallugu.
- Ilaasortat inuillu Kattuffimmi soqutigisaat isumagissallugit.
- Ilaasortassarsiorneq isumagissallugu.
- Kattuffimmut akiliut ukiut tamaasa 2.000,00 kr. Nunaqarfinni 500,- akilerneqartassaaq kingusinnerpaamik 31. Marts.
- Illoqarfinni/nunaqarfinni aningaasanik katersuiniarnerit immikkoortorta qarfiup suliniutaanut iluaqutissatut qularnaassallugit.
- Kattuffiup suliniutaasa qulakkeernissaat pillugu nuna tamakkerlugu ukiumoortumik aningaasanik katersuiniarnermi peqataanissaq.
- Immikkoortorta qarfiit unittooqqasut aningaasanik uninngasuuteqarunik aningaasat Kattuffimmut nassiunneqartassapput.
- Immikkoortorta qarfiit namminneq malittarisassaliorsinnaapput Kattuffiup malittarisasaanut naapertuuttunik, tamaattorli atuutilinnginneranni Kattuffimmiit akuersisutigitinneqassapput.
- Immikkoortorta qarfiit ukiumoortumik immikkoortorta qarfiup Kattuffimmut nassiutisavai, makkua: siulersuisunngortut aqqi, naatsorsuutit, ukiumoortumik nalunaarut, ilaasortat allattorsimaffii, oqaloqatiginnittartullu aqqi. Taakkua nassiunneqassapput Kattuffimmut kingusinnerpaamik 31.Marts.

##### Imm. 3.

Ukiut marlukkaarlugit 2024 aallarnerfigalugu marts-i 15-utinnagu ataatsimeersuortoqartassaaq. (Taamaattumik 2023-mi ukiumut ataatsimeersuortarneq naliginnaasumik ingerlanneqassaaq). Kingusinnerpaamik sapaatip akunneri pingasut sioqqullugu avammut nalunaarutigineqartassaaq.

##### Imm. 4.

###### **Ataatsimeersuarnermi oqaluuserisassat ukuussapput:**

1. Tikilluaqqusineq.
2. Aqutsisumik qinersineq.
3. Siulersuisut oqaloqatiginnittartullu ukiumut qaangiuttumut nalunaarutaat.
4. Naatsorsuutit kukkunsorsimasut saqqummiunnerat.
5. Siunnersuutit, ataatsimeersuarnissaq kingusinnerpaamik ullunik 8-nik sioqqullugu siulersuisunut tunniunneqarsimasut oqallisigineri.
6. Ukiumut tullermut immikkoortorta qarfiup pilersaarutaasa oqallisigineqarneri.

7. Siulersuisussanik qinersineq immikkoortorta qarfiit nammineq qinerseriaaseq sorleq atussanerlugu aalajangissavaat.
8. Kukkunersiuismik qinersineq.
9. Kattuffimmut nalunaarneq
10. Tamalaat.

Imm. 5.

Immikkoortorta qarfiup siulersuisui tallimaasut sinniisussaalu marluk ukiut ataatsimeersuarfiit tamaasa qinerneqartassapput. Nunaqarfinni immikkoortorta qarfinni siulersuisussanik pingasunik qinersisoqarsinnaavoq. Immikkoortorta qarfiit nammineq qinerseriaaseq sorleq atussanerlugu aalajangissavaat. Qinigassanngorteqqittoqarsinnaavoq.

Imm. 6.

Siulersuisut nammineq akunnerminni inissitsitissapput. Kinaassusersiorsinnaaneq sianigalugu immikkoortorta qarfimmi siulittaasoq aningaaserisorlu ataatsimoorlutik atsiorsinnaasuseqarput. Immikkoortorta qarfiup nammineq malittarisassiornermini ajunngitsorsiaqarsinnaaneq aaliangersinnavaa. Ukiumut akileraartarnermut pisorta qarfimmu nalunaarutigineqartassapput aningaasat annertussusai, kikkullu aningaasanik pissarsisimanersut.

Imm. 7.

Assigiinngitsunik suliniuteqarnermigut immikkoortorta qarfik aningaasanik pisariaqartitamik katersuiniartassaaq – ingerlatsinerminut, pikkorissaanermut ataatsimiinnernilu aningaasartuutunut atugassaminik aammalu kræfteqartunut tunissutissarsiutissaminik (300 – 500 kr.).

Imm. 8.

Naatsorsuutit naatsorsuuserinermut inatsit malillugu suliarineqartassapput. Naatsorsuutit kukkunersiorsimasut marsi-p naannginnerani Kattuffimmut nassiunneqartassapput. Ilanngullugit nassiunneqartassapput siulersuisut nutaat atii, adressii, mobil nr. e-maililu siulersuisullu ukiumut nalunaarutaat.

Imm. 9.

Immikkoortorta qarfiup aallartisarnernani Kattuffimmut aningaasanik qinnuteqartoqarsinnaavoq. Illoqarfiit annerpaamik 1.500,00kr. Nunaqarfiit annerpaamik 1000,00 kr.

Imm. 10.

Ingerlatsinermi atortorissaarutininik pissarsiorneq immikkoortorta qarfiit namminneq isumagisassavaat.

Imm. 11.

Siulersuisut imminnut paasissutissiisassapput. Neriuffiit Kattuffiata siunnersortai illoqarfinni najugarisaminni immikkoortorta qarfimmu suleqataassapput.

Imm. 12.

Ilaasortat akiliutaat peqatigiiffiup aningaasaqarniarnermini iluaqutissatut atorsinnaavai, kisiannili ilaasortat akiliisimasut allattorsimaffiat Kattuffimmut nassiunneqartassaaq.

Imm. 13.

Immikkoortorta qarfiit nunap immikkoortortaani nammineq aqqissuussaminnik ilaasortanik naapeqatigisitsinnaapput, immikkoortorta qarfinnik siunnersortit suleqatigalugit.

Imm. 14.

Immikkoortorta qarfimmi inatsisitigut unioqqutitsisoqarsimatillugu politiinut tunniussisoqartassaaq.

*Politiinut eqqartuussivimmullu tunniussisinnaaneq:*

Neriuffiup piinik imminut paarititanik peqquserluttuliornermut eqqartuussassatut kinaluunniit taamatuut iliornermigut pisassarinniganik imminut iluanaartinniarluni imaluunniit allat iluanaartinniarlugit pillugit inatsisit atuuttut atorlugit tunniussisoqartassaaq.

**§ 5. Nuna tamakkerlugu ataatsimeersuarneq.**

Imm. 1.

Kalaallit Nunaani Neriuffiit Kattuffiata qullersaraa nuna tamakkerlugu ataatsimeersuarneq ukiut pingasukkaarlugit ataatsimiittartoq. Maj-ip naannginnerani ataatsimiittoqartassaaq.

Imm. 2.

Neriuffiit Kattuffiannut ilaasortat ataatsimeersuarnerani immikkoortorta qarfiit akiliisimasut ataatsimik peqataatitassaminnik aallartitaqassapput. Immikkoortorta qarfiit aallartitaat ataatsimeersuarnermi taasisinnaassappat immikkoortorta qarfik ukiumut Kattuffimmut akiliutissaq akilereersimassavaa. Ilaasortaq immikkoortorta qarfimmut ilaasortaanermut akiliisimasoq kisimi aallartitaasinnaavoq. Immikkoortorta qarfiit akilikkaminnik tusarnaariartussamik taaseqataasinnaangikkaluartumik oqalliseqataasinnaasumik ilaatitaqarsinnaapput.

Imm. 3.

Nuna tamakkerlugu ataatsimeersuortoqassatillugu ilaatitassaq immikkoortorta qarfiit ataatsimeersuarnerminni toqqareertassavaat, ukioq taanna nuna tamakkerlugu ataatsimeersuarfissaq pisussanngoraangat. Nuna tamakkerlugu ataatsimeersuarnermi ilaatitaqarniaraanni immikkoortorta qarfik ataatsimeersuareersimassaaq.

Imm. 4.

Siulersuisut nuna tamakkerlugu ataatsimiigiaqqusissapput sapaatit akunnerinik arfineq-pingasunik sioqqutsisumik immikkoortorta qarfiit allakatigut ilisimatinnerisigut sumi qaqugulu ataatsimeersuarnissamik nalunaaruteqarnikkut.

Imm. 5

Ataatsimeersuarnissamut siunnersuutit immikkoortorta qarfimmit Kattuffimmut nassiunneqareertassapput sapaatit akunneri sisamat sioqqullugit.

Imm. 6

Oqaluuserisassat piareersimasut nuna tamakkerlugu ataatsimeersuarnissaq kingusinnerpaamik sapaatip akunneri marluk sioqqullugit peqataasussanut nassiunneqarsimassapput.

## Imm. 7

### **Nuna tamakkerlugu ataatsimeersuarnermi oqaluuserisassat ukuussapput:**

1. Aqutsisumik qinersineq.
2. Oqaluuserisassat akuersissutigineqarneri.
3. Piffissami qaangiuttumi siulersuisut nalunaarusiaat.
4. Ukiuni kingullerni pingasuni naatsorsuutit saqqummiunneqarneri.
5. Siunnersuutit tiguneqarsimasut oqallisigineri.
6. Ukiunut tullernut pingasunut suliniutissat oqallisigineri.
7. Ukiunut tullernut pingasunut Kattuffimmut akiliutissamik aalajangiineq.  
2020-miit: 2.000,- kr. Inunnut ataasiakkaanut 100,-kr. sulisinnaajunnaarner-siutillit utoqqalinersiutillillu ukiumut 50,- kr. Meeqqanut 25,- kr., Ilaqutariinnut inoqutigiinnik Kr. 250,- (bopælsattest ukioq taanna najugaqatigiissimanermit uppernarsaat atorneqartassaaq).  
Suliffeqarfinnut 500,- kr.
8. Siulersuisussanik qinersineq:
  - a) Siulittaasumik qinersineq
  - b) Aningaaserisumik qinersineq
  - c) Allatsimik qinersineq
  - d) Ilaasortassanik marlunnik sinniisussanillu sisamanik qinersineq
9. Naalagaaffiup akuerisaanik kukkunerisuisussamik qinersineq.
10. Tamalaat.

## Imm. 8.

Immikkoortorta qarfinni peqataatitaqassanngitsuni immikkoortorta qarfiit oqaluuserisassanut ilanngussassa qarnersut isumasiorneqassapput.

### **§ 6. Siulersuisut.**

#### Imm. 1.

Neriuffiit Kattuffiata siulersuisui tallimaasut sinniisussallu sisamat nuna tamakkerlugu ataatsimeersuarnermi qinerneqartut ukiuni pingasuni atuuttuupput.

Qinigaaqqittoqarsinnaavoq.

#### Imm. 2.

Siulersuisunngortut imatut inissititsissapput:

1. Siulittaasoq
2. Siulittaasup tullia
3. Allatsi
4. Aningaaserisoq
5. Siulersuisunut ilaasorta q
6. Sinniisussallu sisamat

7. Siulersuisunut qinigaasut iluminni nammineq qinertassavaat oqaloqatiginnittartunut siunnersorti, aammalu immikkoortortaqaqfinnut siunnersorti (Kujataani/Avannaani)

Imm. 3.

Siulersuisut qanoq suleriaaseqarnissartik namminneq aalajangissavaat.

Imm. 4.

Ukiut tamaasa, februarimi, siulersuisut imminnut naapillutik ataatsimiittassapput, ukiumut tullermut pilersaarutit missingersuutillu tassani akuersissutigineqartassallutik.

Imm. 5.

Ukiumut naatsorsuutit akuersissutigineqartassapput april-ip naannginnerani.

**§ 7. Atsiorsinnaaneq.**

Imm. 1.

Kalaallit Nunaanni Neriuffiit Kattuffianni ulluinnarni atuinnermi atsiorsinnaatitaapput Kattuffiup siulittaasua aapparalugu Kattuffimmi aningaaserisoq.

Imm. 2.

Aningaasanik annertuumik atuisoqassatillugu siulersuisut ataatsimiillutik aalajangertassavaat.

**§ 8. Naatsorsuutit kukkuneruinerlu.**

Imm. 1.

Kalaallit Nunaanni Neriuffiit Kattuffiata ukioq jan. – dec. naatsorsuiffigaa.

Imm. 2.

Kalaallit Nunaanni Neriuffiit Kattuffiata naatsorsuuseriaasia naatsorsuutalu kukkuneruisumik naalagaaffimmit akuerisamik nuna tamakkerlugu ataatsimiinnermi qinerneqarsimasumik kukkunerisiorneqartassapput.

Imm. 3.

Siulersuisut allaffimmiumik pisariaqartitsineq naapertorlugu atorfinitsitsissapput.

**§ 9. Malittarisassanik allanngortitsineq aamma atorunnaarsitsineq.**

Imm. 1.

Neriuffiit Kattuffiata malittarisassanik allanngortitsisoqarsinnaavoq nuna tamakkerlugu ataatsimeersuarnerit tamaasa, taamaattumik oqaluuserisassanngortitsisimasoqaraangat aammalu nuna tamakkerlugu ataatsimeersuarnermi ilaasortat najuuttut 2/3-liisa isumaqataallutik taasinerisigut allanngortitsisoqarsinnaavoq.

Imm. 2.

Oqaluuserisassanngortitsineqareerneratigut Neriuffiit Kattuffiata atorunnaarnissaanik aalajangiisoqarsinnaavoq, nuna tamakkerlugu ilaasortat taasisinnaatitaasut tamarmik  $\frac{3}{4}$ -iisa akuersinerisigut. Siunnersuut taasisinnaatitaasut tamarmik affaannik amerlanerusunik aku-

erineqarpat kisianni  $\frac{3}{4}$ -inik amerlanerussuteqartunik taava atorunnaarsitsineq pisinnaavoq, ullut 30-t qaangiutsinnagit nuna tamakkerlugu tamanna pillugu ataatsimeersuaqqinnermi ilaasortat najuuttut amerlanerussuteqartut akuersinerisigut.

Imm. 3.

Taama pisoqartillugu Kalaallit Nunaanni Neriuffiit Kattuffiata atorunnaarnerani nuna tamakkerlugu aalajangiisussaavoq, Neriuffiit Kattuffiata pigisaasa tamanut iluaqutaasumik Kattuffiullu siunertaanut assingusumik siunertalinnut atugassanngortinneqarnissaannik.

**§ 10 Malittarisassat atuutilersinneri**

Imm. 1

Malittarisassat atuutilersinneqarput 7. juni 2022.

Imm. 2

Malittarisassat 2019-imeersut siusinnerusullu atorunnaarsinneqarput.




Elisabeth Lyng Hansen, siulittaasq




Maren Semsén, siulittaasup tullia



Paninguaq Reimer Jeremiassen, aningaaserisoq



Bodil Høyer Jensen, allatsi



Nikolaj Ezekiassen, siulersuisunut ilaasortaq